

სამტრედიის მუნიციპალიტეტის მერის მიმართვა



მოგესალმებით, ყოველწლიურად, მუნიციპალიტეტის ბიუჯეტის დამტკიცებით მნიშვნელოვანი გადაწყვეტილებები მიიღება იმის შესახებ, თუ საიდან უნდა შეივსოს მუნიციპალიტეტის ბიუჯეტი და როგორ დაიხარჯოს იგი.

ეს სახელმძღვანელო მიზნად ისახავს ახსნას, თუ როგორ მოხდება ფულის შეგროვება და დახარჯვა 2026 წელს. იგი დაწერილია მარტივი ენით, რათა ის გასაგები და გამოყენებული იყოს ფართო საზოგადოების მიერ. ეს საშუალებას მისცემს მოქალაქეებს გაეცნონ საბიუჯეტო პროცესს და სურვილის შემთხვევაში მონაწილეობა მიიღონ მასში.

გზამკვლვის მიზანია ფართო საზოგადოებისთვის იმ ძირითადი საკვანძო საკითხების მიწოდება, რომელსაც ითვალისწინებს სამტრედიის მუნიციპალიტეტის ბიუჯეტის კანონის პირველი წარდგენა. გზამკვლევის მეშვეობით ყველა დაინტერესებული პირი გაიგებს თუ რას ნიშნავს ტერმინი ბიუჯეტი, რა კომპონენტებისგან შედგება საბიუჯეტო სისტემა, გაეცნობა საბიუჯეტო პროცესის საფეხურებს, საბიუჯეტო პროცესის წარმართვის სამართლებრივ საფუძვლებს, წარმოდგენა შეექმნება 2026 წლის სამტრედიის მუნიციპალიტეტის ბიუჯეტის პირველი წარდგენის პრიორიტეტულ მიმართულებებზე, ასევე ბიუჯეტით დაგეგმილ ღონისძიებებზე მუნიციპალიტეტის მიერ წლის განმავლობაში მისაღები შემოსულობების მოცულობის და დასახული მიზნების მისაღწევად გასაწევი ხარჯების თაობაზე.

2026 წლის სამტრედიის მუნიციპალიტეტის ბიუჯეტის პირველი წარდგენის მოქალაქის გზამკვლევი, ბიუჯეტი და ბიუჯეტთან/საბიუჯეტო პროცესთან დაკავშირებული სხვა დამატებითი ინფორმაცია საზოგადოებისთვის ხელმისაწვდომია სამტრედიის მუნიციპალიტეტის ოფიციალური ვებ-გვერდის¹ მეშვეობით.

¹ <https://samtredia.gov.ge/ka/>



სამტრედიის მუნიციპალიტეტის მოკლე აღწერა

სამტრედია იმერეთში მდებარე მუნიციპალიტეტია. ეს ადგილი მოხსენიებულია ძველ ისტორიულ წყაროებშიც XVIII საუკუნის II ნახევრიდან, როგორც სოფელი სამტრედია. 1872 წლიდან კი, მას შემდეგ რაც ფოთი-თბილისის სარკინიგზო ხაზი ამოქმედდა, იგი უკვე დაბა სამტრედიის სახელით იხსენიება. ოდესღაც რაიონის ჭალა ჭაობიან ტყეს წარმოადგენდა, ჰავა იმდენად ცუდი იყო, რომ ამ ადგილებში დასახლებას ყველა ერიდებოდა. რკინიგზის მშენებლობამ კი ხელი შეუწყო სამტრედიის განვითარებას, ჭაობები დააშრეს, ტყე გამინდვრეს და ჰავა გაუმჯობესდა. მისი დაბა-ქალაქად გარდაქმნა 1899 წელს დასრულდა, როცა განსაკუთრებით გაიზარდა მრეწველობა.




რაიონის ტერიტორია ადრე კოლხეთის, ეგრისის, ხოლო შემდეგ ეგრის-ავხაზეთის სამეფოსა და საქართველოს გაერთიანებულ სახელმწიფოში ერთიანდებოდა. სამტრედია ლამაზი რაიონია, სადაც მრავალ საინტერესო კულტურულ ძეგლს ვხვდებით. განსაკუთრებით აღსანიშნავია: ვაზისუბნის ღვთისმშობლის სახელობის ეკლესია, ტელეფისის XI-XII საუკუნეების ციხის ნანგრევები, გამოჩინებულის წმ. გიორგის სახელობის ეკლესია, ჯიქთუბნის ეკლესია და ა.შ. მუნიციპალიტეტში არის ბიბლიოთეკა, კულტურის სახლი, სამხატვრო სკოლა-გალერეა და ნიკო ნიკოლაძის სახლ-მუზეუმი. მუნიციპალიტეტს აქვს ადგილობრივი გაზეთი - „სამტრედიის მაცნე“.

მდებარეობა

სამტრედიის მუნიციპალიტეტი ესაზღვრება სამეგრელოს და გურიის მხარეებს, კერძოდ: აბაშის, ლანჩხუთის, ვანის, ხონის, წყალტუბოს და ჩოხატაურის მუნიციპალიტეტებს. მისი ძირითადი ნაწილი კოლხეთის დაბლობზეა განლაგებული, ხოლო მცირე ნაწილი საჯავახოს ზეგანზეა შეფენილი, სადაც ძირითადად მთიანი სოფლებია განლაგებული. სამტრედიის მუნიციპალიტეტი დაყოფილია 15 ადმინისტრაციულ ერთეულად. მუნიციპალიტეტში 56 დასახლებაა, მათ შორის ერთი ქალაქი, ერთი დაბა და 49 სოფელი, საიდანაც 27 მაღალმთიანი სოფელია. მუნიციპალიტეტის ადმინისტრაციული ცენტრია ქალაქი სამტრედია.

სამტრედიის მუნიციპალიტეტი წარმოადგენს სარკინიგზო და საავტომობილო კვანძს. მუნიციპალიტეტზე გადის საავტომობილო მაგისტრალები ს1 და ს2 , საქართველოს ცენტრალური რკინიგზის 31 კილომეტრიანი მონაკვეთი. სამტრედიიდან 11 კილომეტრში მდებარეობს დავით აღმაშენებლის სახელობის საერთაშორისო აეროპორტი.





თვითმმართველი ერთეულის ძირითადი ფინანსური დოკუმენტები

მუნიციპალიტეტის ძირითადი ფინანსური დოკუმენტებია: მუნიციპალიტეტის პრიორიტეტების დოკუმენტი და მუნიციპალიტეტის ბიუჯეტი.

პრიორიტეტების დოკუმენტი - არის მუნიციპალიტეტის განვითარების ძირითადი გეგმა, რომელიც ასახავს ინფორმაციას საშუალოვადიანი სამოქმედო გეგმების შესახებ; დოკუმენტი მოიცავს ინფორმაციას როგორც გასულ პერიოდზე, ასევე მომდევნო 4 წლის განმავლობაში ბიუჯეტიდან დასაფინანსებელი პრიორიტეტებისა და პროგრამების შესახებ ინფორმაციას.



რა არის ბიუჯეტი?

ტერმინი „ბიუჯეტი“ („Budget“) ინგლისური სიტყვაა და ტომარას ნიშნავს, რომელიც ივსება და იხარჯება ყოველდღიურად. როდესაც ინგლისის პარლამენტში მთავრობა თემთა პალატას ფულს სთხოვდა, ხაზინის კანცლერი ხსნიდა პორტფელს (ტომარას), სადაც სახელმწიფო შემოსავალ-გასავლის ხარჯთაღრიცხვის კანონპროექტი იდო. ამას უწოდებდნენ ბიუჯეტის გახსნას.



თანამედროვე გაგებით ბიუჯეტი არის განსაზღვრული პირის (ოჯახის, ბიზნესის, ორგანიზაციის, სახელმწიფოს და ა.შ.) შემოსავლებისა და გასავლების ჩამონათვალი, რომელიც განისაზღვრება კონკრეტული დროის პერიოდით, ჩვეულებრივ ერთი წლით. უფრო კონკრეტულად ბიუჯეტი შემოსავლებისა და ხარჯების ერთიანობას წარმოადგენს.

დღეს საქართველოში ბიუჯეტი წარმოადგენს შესაბამისი დონის ხელისუფლების ორგანოების მიერ საკუთარი უფლებებისა და ვალდებულებების შესრულების მიზნით მისაღებ და გასაცემ ფულადი სახსრების ერთობლიობას, მათი შეგროვებისა და გადახდის გეგმას. ამ სახით პროგნოზი კეთდება მომდევნო 4 წელზე, ხოლო მმართველობის შესაბამისი ორგანოს მიერ ბიუჯეტი მტკიცდება და აღსრულებას ექვემდებარება მომდევნო 1 წლისათვის.


მოქმედი კანონმდებლობითა და საბიუჯეტო მოწყობის მიხედვით საქართველოში არსებობს ბიუჯეტის სამი დონე: საქართველოს სახელმწიფო, ავტონომიური რესპუბლიკების რესპუბლიკური და ადგილობრივი თვითმმართველი ერთეულის ბიუჯეტები. ბიუჯეტები მტკიცდება შესაბამისი დონის ხელისუფლებების მიერ.



აუცილებელია ვიცოდეთ, რომ ყველა დონის ბიუჯეტის შევსების წყარო არის მოსახლეობა, ანუ ჩვენ მიერ გადახდილი გადასახდებით ივსება ბიუჯეტი.



საბიუჯეტო სისტემის სამართლებრივი საფუძვლები



მუნიციპალიტეტის ბიუჯეტი

მუნიციპალიტეტის ბიუჯეტი წარმოადგენს ადგილობრივი თვითმმართველობის უმნიშვნელოვანეს ფინანსურ დოკუმენტს. იგი არის ყველა უწყების მიერ განსახორციელებელი პროგრამების, ქვეპროგრამების და ღონისძიებების ერთობლიობა. სამტრედიის მუნიციპალიტეტის ბიუჯეტს ამტკიცებს სამტრედიის მუნიციპალიტეტის საკრებულო.


ბიუჯეტი არის გამჭვირვალე დაგეგმარება, რომლის დროსაც მთავრობა და მხარჯავი დაწესებულებები და საბიუჯეტო ორგანიზაციები აღწევენ ერთგვარ შეთანხმებას თვითმმართველობის რესურსების განაწილებაზე სტრატეგიული პრიორიტეტების მიხედვით. საბიუჯეტო პროცესის დახვეწისა და ფორმულირების გაუმჯობესების ეტაპზე მნიშვნელოვანია აღნიშნული პროცესი მოექცეს დადგენილ ფისკალურ ჩარჩოში და მოხდეს რესურსების ეფექტური განაწილება დასახული მიზნების მისაღწევად.



ძირითადი ტერმინები




ბიუჯეტი - საქართველოს ცენტრალური, ავტონომიური რესპუბლიკების და ადგილობრივი ხელისუფლებების ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობა, რომელიც დამტკიცებულია საქართველოს ცენტრალური, ავტონომიური რესპუბლიკებისა და ადგილობრივი ხელისუფლებების შესაბამისი ორგანოების მიერ.




პროგრამული ბიუჯეტი - ასიგნებები გამოიყოფა მხარჯავი დაწესებულებების და მათ მიერ განსახორციელებელი პროგრამების/ქვეპროგრამების მიხედვით. პროგრამული ბიუჯეტის ძირითადი პრინციპია სახელმწიფო სახსრების მიმართვა წინასწარ განსაზღვრული შედეგების მისაღწევად, რისი გათვალისწინებითაც პროგრამული ბიუჯეტი ხშირად შედეგებზე ორიენტირებული




ბიუჯეტის სახელითაა მოხსენიებული; პროგრამული ბიუჯეტის მიზანია სახელმწიფო ხარჯების ეფექტურობის ამაღლება, სახელმწიფო სექტორის დაწესებულებების დაფინანსებისა და მათ მიერ მიღწეული შედეგების ურთიერთკავშირის გაძლიერება. გარდა მხარჯავი დაწესებულებების მიერ განსახორციელებელი პროგრამებისა და ქვეპროგრამებისა, საბიუჯეტო კოდექსით განსაზღვრულია საერთო-სახელმწიფოებრივი მნიშვნელობის გადასახდელები².




პროგრამა - წარმოადგენს ბიუჯეტით განსაზღვრული პრიორიტეტების მიზნების მისაღწევად საბიუჯეტო ორგანიზაცი(ებ)ის მიერ განსახორციელებელ ღონისძიებათა ერთობლიობას, რომლებიც დაჯგუფებულია მსგავსი შინაარსის მიხედვით და ხორციელდება ერთი საბოლოო შედეგის მისაღწევად.




ქვეპროგრამა - წარმოადგენს მხარჯავი დაწესებულების პროგრამის ფარგლებში საბიუჯეტო ორგანიზაცი(ებ)ის მიერ გასატარებელ ღონისძიებათა ერთობლიობას.




პროფიციტი - თუ ბიუჯეტის დაგეგმილი შემოსავალი აჭარბებს გასავალ ნაწილს, მაშინ საუბრობენ საბიუჯეტო პროფიციტზე.



დეფიციტი - თუ ბიუჯეტის დაგეგმილი გასავალი აჭარბებს შემოსავალ ნაწილს, მაშინ საუბრობენ საბიუჯეტო დეფიციტზე.



მხარჯავი დაწესებულება - ბიუჯეტის პროგრამულ კლასიფიკაციაში პირველი თანრიგით გათვალისწინებული საბიუჯეტო ორგანიზაცია.



საბიუჯეტო ორგანიზაცია - მხარჯავი დაწესებულება ან/და ბიუჯეტით გათვალისწინებული პროგრამების/ქვეპროგრამების ფარგლებში თანხის განკარგვის უფლებამოსილების მქონე ორგანიზაცია, რომელიც ახორციელებს საკუთარი ბიუჯეტის პროექტის მომზადებას, ბიუჯეტის შესრულებასა და ანგარიშგებას დადგენილი ნორმების, პროცედურების და წესების თანახმად.


² საქართველოს კანონი „საქართველოს საბიუჯეტო კოდექსის“ შესახებ ადგენს თუ რა შეიძლება იყოს ამტიპის გადასახდელები, მათ შორის მოიაზრება საერეზერვო ფონდები და დადგენილია ლიმიტი სარეზერვო ფონდებისათვის (არაუმეტეს მთლიანი ბიუჯეტის 2%).




საბიუჯეტო პროცესი

საქართველოში საბიუჯეტო პროცესის ძირითადი ეტაპები დარეგულირებულია საბიუჯეტო კოდექსით, ხოლო შიდა საბიუჯეტო კალენდარს ამტკიცებს მუნიციპალიტეტის მერი.






ქვემოთ მოცემულ გრაფიკში წარმოდგენილია საბიუჯეტო ციკლის ეტაპები:



მუნიციპალური ორგანოების როლი საბიუჯეტო პროცესში გამიჯნულია კანონმდებლობით. ეს კანონებია ადგილობრივი თვითმმართველობის კოდექსი და საბიუჯეტო კოდექსი.





საიდან მოდის ფული ბიუჯეტში?

კანონმდებლობა არეგულირებს იმ გადასახდელების ჩამონათვალს, რომლითაც ივსება ბიუჯეტი. გადასახადებს ბიუჯეტში იხდიან მოქალაქეები და ბიზნესი. ეს გადახდილი თანხები საბიუჯეტო კოდექსის შესაბამისად ნაწილდება სხვადასხვა დონის ბიუჯეტებში. მუნიციპალიტეტების ბიუჯეტში ირიცხება შემდეგი სახის შემოსავლები: დამატებული ღირებულების გადასახადი (დღგ) 20%, ქონების გადასახადი (გარდა მიწისა), მიწის გადასახადი, ბუნებრივი რესურსების მოსაკრებელი, დასუფთავების მოსაკრებელი, იჯარით გაცემული ქონებიდან შემოსული თანხები, სხვა ადგილობრივი მოსაკრებლები და გადასახდელები, ასევე ქონების გაყიდვიდან შემოსული სახსრები. ცენტრალური ხელისუფლება კაპიტალური პროექტებისთვის და დელეგირებული უფლებების განსახორციელებლად მუნიციპალიტეტს უნაწილებს გარკვეულ თანხებს, რასაც ეწოდება გრანტები. ასეთი გრანტები მუნიციპალიტეტში ძირითადად წლის განმავლობაში ირიცხება და შესაბამისად მუნიციპალიტეტი აზუსტებს თავდაპირველ ბიუჯეტს. როდესაც ხარჯები შემოსავალზე მეტია, მუნიციპალიტეტს უფლება აქვს აიღოს სესხი. ამ კუთხით მუნიციპალიტეტს ძირითადად საქართველოს ფინანსთა სამინისტრო ეხმარება.

ზემოთ აღნიშნული თანხების ბიუჯეტში მობილიზებაზე პასუხისმგებელია როგორც ცენტრალური ხელისუფლება ასევე ადგილობრივი - მუნიციპალიტეტის ხელისუფლება. კერძოდ, ცენტრალური ხელისუფლება (შემოსავლების სამსახური) უწევს ადმინისტრირებას შემდეგი სახის შემოსავლებს: დამატებული ღირებულების გადასახადიდან (დღგ) 20%, ქონების გადასახადი (გარდა მიწისა), მიწის გადასახადი, ბუნებრივი რესურსების მოსაკრებელი. ადგილობრივი ხელისუფლება - დასუფთავების მოსაკრებელს, იჯარით გაცემული ქონებიდან მისაღებ თანხებს და სხვა ადგილობრივი მოსაკრებლებს და გადასახდელებს, ასევე ეს უკანასკნელი პასუხისმგებელია მუნიციპალური ქონების პრივატიზებისას თანხების მობილიზებაზე.



ცენტრალურ ხელისუფლება პასუხისმგებელია ასევე მუნიციპალიტეტისთვის გრანტის სახით თანხების გამოყოფაზე. ასეთი თანხები მუნიციპალიტეტის ბიუჯეტის მნიშვნელოვან ნაწილს წარმოადგენს და ძირითადად ხმარდება კაპიტალური პროექტების დაფინანსებას, სკოლის მოსწავლეების ტრანსპორტით უზრუნველყოფასა და საზოგადოებრივი ჯანდაცვის დაფინანსებას.


სამტრედიის მუნიციპალიტეტის 2024-2026 წლის შემოსულობები

2026 წლისთვის სამტრედიის მუნიციპალიტეტის მთლიანი შემოსავლები დაგეგმილია 30 439 400 (ოცდაათი მილიონ ოთხას ოცდაცხრამეტი ათას ოთხასი) ლარი.


სამტრედიის მუნიციპალიტეტის შემოსულობების სტრუქტურა

დასახელება	2024 წლის ფაქტი	2025 წლის გეგმა	2026 წლის პროექტი
შემოსულობები	43,086.8	42,625.1	30,439.4
შემოსავლები	40,140.9	41,761.9	29,899.6
<i>გადასახადები</i>	22,947.1	25,619.4	27,587.0
<i>გრანტები</i>	15,248.4	13,737.7	312.6
სხვა შემოსავლები	1,945.4	2,404.8	2,000.0
არაფინანსური აქტივების კლება	2,945.9	863.2	539.8





2024-2026 წლებში სამტრედიის მუნიციპალიტეტის მთლიანი შემოსავლების დინამიკა დამტკიცებული ბიუჯეტის ფარგლებში შემდეგია:




სამტრედიის მუნიციპალიტეტის შემოსულობების განხილვისას პირველ რიგში უნდა აღინიშნოს, რომ 2026 წლის ბიუჯეტის პროექტის მაჩვენებლები არ მოიცავს სახელმწიფო



ბიუჯეტიდან გამოყოფილ გრანტებს. მათ შორისაა, რეგიონების განვითარების ფონდიდან გამოსაყოფი ტრანსფერები ინფრასტრუქტურული პროექტებისათვის. როგორც ზემოთ ავლინებთ, ეს თანხები გამოიყოფა წლის განმავლობაში და ამ ტრანსფერების გამოყოფის შემდგომ დაზუსტდება 2026 წლის მაჩვენებელი.

როგორ იხარჯება ფული?

მთავრობის მიერ შეგროვებული თანხა იხარჯება მუნიციპალიტეტის სხვადასხვა საჭიროებისამებრ. ეს თანხა პირობითად იყოფა მიმდინარე და კაპიტალურ ხარჯებად. მიმდინარე ხარჯები მოიცავს საჯარო მოხელეების ხელფასებს, კომუნალურ გადასახდებს, მუნიციპალიტეტის ტერიტორიის დასუფთავებისა და მოვლა შენახვის ხარჯებს და სხვა. ხოლო კაპიტალური ხარჯები გზების, ხიდების, საბავშვო ბაღების, სკვერების და სხვა მუნიციპალური ობიექტების მშენებლობის, რეაბილიტაციისა და შეკეთების ხარჯებს. ასევე, ბიუჯეტში განსაზღვრულია ნაკისრი ვალდებულებების (სესხის) დაფარვის ხარჯები. ხარჯების მიმართულებებს, თუ სად და როგორ უნდა მოხდეს თანხების ხარჯვა ამტკიცებს მუნიციპალიტეტის საკრებულო ხმათა უმრავლესობით. ბიუჯეტის აღსრულება კი ხდება მუნიციპალიტეტის აღმასრულებელი ორგანოს - მერიის მიერ.





სამტრედიის მუნიციპალიტეტის მთლიანი ხარჯი
ლ 30,439.4 ათასი ლარი

აღნიშნული სახსრები ბიუჯეტის მიხედვით განაწილებულია შემდეგი პრიორიტეტების მიხედვით:

- ინფრასტრუქტურის განვითარება
- დასუფთავება და გარემოს დაცვა
- განათლება
- კულტურა, ახალგაზრდობა და სპორტი
- ჯანმრთელობის დაცვა და სოციალური უზრუნველყოფა
- მმართველობა და საერთო დანიშნულების ხარჯები


2026 წლის ბიუჯეტის პროექტში პრიორიტეტების მიხედვით ასიგნებები გადანაწილებულია შემდეგნაირად:

(ათას ლარებში)


პრიორიტეტების დასახელება	თანხა	პროცენტი
ინფრასტრუქტურა	4,191.0	13.77%
დასუფთავება და გარემოს დაცვა	4,399.0	14.45%
განათლება	5,477.5	17.99%
კულტურა, რელიგია, ახალგაზრდობის ხელშეწყობა და სპორტი	5,342.0	17.55%
მოსახლეობის ჯანმრთელობის დაცვა და სოციალური უზრუნველყოფა	3,954.4	12.99%
მმართველობა და საერთო დანიშნულების ხარჯები	7,075.5	23.25%
სულ ჯამი	30,439.4	100.00%



2026 წელი




სამტრედიის მუნიციპალიტეტის ბიუჯეტის პრიორიტეტები 2024-2026 წლების მიხედვით შემდეგია:



კაპიტალური ბიუჯეტი

როგორც აღვნიშნეთ ბიუჯეტის გადასახდელები იყოფა მიმდინარე და კაპიტალური დანიშნულების ხარჯებად. კაპიტალური ხარჯები წარმოადგენს ისეთ ხარჯს რომლის ფარგლებშიც ხორციელდება საინვესტიციო ხასიათის პროგრამები, მაგალითად გზების, ხიდების, შენობების მშენებლობა, რეკონსტრუქცია, შეკეთება და სხვა.

2026 წლის მუნიციპალიტეტის ბიუჯეტში მიმდინარე ხარჯებისათვის გამოყოფილია 25,164.1 ათასი ლარი, ხოლო კაპიტალურ ხარჯებისათვის 5,275.3 ათასი ლარი. მათ შორის თანაფარდობა ასეთია:




მაგრამ აქვე კიდევ ერთხელ უნდა აღინიშნოს, რომ კაპიტალურ დანახარჯებს წლის განმავლობაში დაემატება ცენტრალური ხელისუფლების მიერ რეგიონალური განვითარების ფონდიდან გამოყოფილი თანხები.

ინფრასტრუქტურის განვითარება

სამტრედიის მუნიციპალიტეტის 2026 წლის ბიუჯეტის ასიგნებების 13.77% გამოყოფილია ინფრასტრუქტურის დასაფინანსებლად, რაც ნომინალურ გამოხატულებაში 4,191.0 ათას ლარს შეადგენს. 2024-2026 წლებში ინფრასტრუქტურისთვის გამოყოფილი ასიგნებების მოცულობა ასეთია:





2026 წლის ბიუჯეტის პროექტით, ინფრასტრუქტურის პრიორიტეტის ფარგლებში დაგეგმილია შემდეგი პროგრამების დაფინანსება:


(ათას ლარებში)

02 00	ინფრასტრუქტურის განვითარება პრიორიტეტის პროგრამები	4,191.0
02 01	გზების, ხიდების, ბოგირების და ინფრასტრუქტურის სხვა ღონისძიებების დაფინანსება	1,542.5
02 02	კომუნალური ინფრასტრუქტურის მშენებლობა-რეაბილიტაცია და ექსპლოატაცია	2,355.0
02 03	მუნიციპალიტეტის კეთილმოწყობის ღონისძიებები	139.0
02 05	სოფლის მეურნეობის განვითარება	154.5

დასუფთავება და გარემოს დაცვა

2026 წლის ბიუჯეტის ასიგნებების 14.45% გამოყოფილია მუნიციპალიტეტის დასუფთავებისთვის, რაც ნომინალურ გამოხატულებაში 4,399.0 ათას ლარს შეადგენს. 2024-2026 წლებში პრიორიტეტის ფარგლებში გამოყოფილი ასიგნებების მოცულობა ასეთია:





მუნიციპალიტეტის დასუფთავებისა და გარემოს დაცვის პრიორიტეტის ფარგლებში დაგეგმილია შემდეგი პროგრამების დაფინანსება:


(ათას ლარებში)

03 00	დასუფთავება და გარემოს დაცვა	4,399.0
03 01	ა(ა)იპ სამტრედიის მუნიციპალიტეტის კომუნალური გაერთიანება	2,950.0
03 02	ა(ა)იპ სამტრედიის მუნიციპალიტეტის გამწვანებისა და კეთილმოწყობის გაერთიანება	934.0
03 03	დასუფთავება	315.0

განათლება

2026 წლის ბიუჯეტის ასიგნებების 17.99% გამოყოფილია განათლების პრიორიტეტის დაფინანსებაზე, რაც ნომინალურ გამოხატულებაში 5,477.5 ათას ლარს შეადგენს. 2024-2026 წლებში პრიორიტეტის ფარგლებში გამოყოფილი ასიგნებების მოცულობა ასეთია:






(ათას ლარებში)

04 00	განათლება	5,477.5
04 01	ააიპ სამტრედიის მუნიციპალიტეტის სკოლამდელი აღზრდის დაწესებულებათა (ბალები და ბაგა-ბალები)გაერთიანება	5,000.0
04 03	ააიპ სამტრედიის მუნიციპალიტეტის მოსწავლე-ახალგაზრდობის სახლი	407.5
04 04	სამტრედიის მუნიციპალიტეტის სკოლამდელი აღზრდის დაწესებულების (ბალები და ბაგა-ბალები) მშენებლობა	70.0

კულტურა, რელიგია, ახალგაზრდობის ხელშეწყობა და სპორტი

2026 წლის ბიუჯეტის ასიგნებების 17.55% გამოყოფილია კულტურა, რელიგია, ახალგაზრდობის ხელშეწყობა და სპორტის პრიორიტეტის დაფინანსებაზე, რაც ნომინალურ გამოხატულებაში 5.342.0 ათას ლარს შეადგენს. 2024-2026 წლებში პრიორიტეტის ფარგლებში გამოყოფილი ასიგნებების მოცულობა ასეთია:





კულტურა, რელიგია, ახალგაზრდობის ხელშეწყობა და სპორტი პრიორიტეტის ფარგლებში დაგეგმილია შემდეგი პროგრამების დაფინანსება:


(ათას ლარებში)

05 00	კულტურა, რელიგია, ახალგაზრდობის ხელშეწყობა და სპორტი	5,342.0
05 01	სპორტის განვითარების ხელშეწყობა	2,801.5
05 02	კულტურის განვითარების ხელშეწყობა	1,845.3
05 03	შპს „სამტრედიის მაცნე“	117.8
05 04	ააიპ სამტრედიის მუნიციპალიტეტის საინფორმაციო ცენტრი	68.4
05 05	ახალგაზრდული ორგანიზაციების, კულტურის, მეგლთა დაცვისა და ტურიზმის ღონისძიებების დაფინანსება,	249.0
05 06	ხონი-სამტრედიის ეპარქიის დაფინანსება	260.0

მოსახლეობის ჯანმრთელობის დაცვა და სოციალური უზრუნველყოფა

2026 წლის ბიუჯეტის ასიგნებების 12.99% გამოყოფილია მოსახლეობის ჯანმრთელობის დაცვა და სოციალური უზრუნველყოფა პრიორიტეტის დაფინანსებაზე, რაც ნომინალურ გამოხატულებაში 3,954.4 ათას ლარს შეადგენს. 2024-2026 წლებში პრიორიტეტის ფარგლებში გამოყოფილი ასიგნებების მოცულობა ასეთია:





ჯანმრთელობის დაცვა და სოციალური უზრუნველყოფის პრიორიტეტის ფარგლებში დაგეგმილია შემდეგი პროგრამების დაფინანსება:

(ათას ლარებში)


06 00	მოსახლეობის ჯანმრთელობის დაცვა და სოციალური უზრუნველყოფა	3,954.4
06 01 01	ააიპ საზოგადოებრივი ჯანდაცვის სამტრედიის ცენტრი	312.6
06 02 01	ააიპ „სახლი თანადგომა“	396.7
06 02 02	ააიპ სამტრედიის მუნიციპალიტეტის სათნოების სახლი“	273.0
06 02 03	დედათა და ბავშვთა დახმარება	470.0
06 02 04	სოციალურად დაუცველი მოსახლეობისათვის ერთჯერადი ფინანსური დახმარებები	1,981.4
06 02 05	დაკრძალვის ხარჯი	6.0



06 02 07	სამტრედიის მუნიციპალიტეტში რეგისტრირებული სახლდაზიანებული მოქალაქეების დახმარება	514.7
----------	--	-------

მმართველობა და საერთო დანიშნულება

2026 წლის ბიუჯეტის ასიგნებების 23.25% გამოყოფილია მმართველობა და საერთო დანიშნულების პრიორიტეტის დაფინანსებაზე, რაც ნომინალურ გამოხატულებაში 7,075.5 ათას ლარს შეადგენს. 2024-2026 წლებში პრიორიტეტის ფარგლებში გამოყოფილი ასიგნებების მოცულობა ასეთია:



მმართველობა და საერთო დანიშნულების პრიორიტეტის ფარგლებში დაგეგმილია შემდეგი პროგრამების დაფინანსება:

(ათას ლარებში)


01 00	მმართველობა და საერთო დანიშნულების ხარჯები	7,075.5
01 01 01	სამტრედიის საკრებულო	1,451.7
01 01 02	სამტრედიის მერია	5,315.1



01 02 01	სარეზერვო ფონდი	220.0
01 02 03	მუნიციპალური განვითარების ფონდიდან მიღებული სესხების მომსახურება	40.1
01 02 04	კადრების მომზადება-გადამზადებასთან, კვალიფიკაციის ამაღლებასა და სტაჟირებასთან დაკავშირებული ხარჯი	48.6

მმართველობა და საერთო დანიშნულების ხარჯები მოიცავს მუნიციპალიტეტის საკრებულოს და მერიის დაფინანსებას. მათ შორის მერიასა და საკრებულოში დასაქმებულია 183 მუშაკი, მათ შორის მერიაში 141 მუშაკი, ხოლო საკრებულოში - 42 მუშაკი .

რას ნიშნავს ჩემთვის 2026 წლის ბიუჯეტი?




გზების, ხიდების, ბოგირების და ინფრასტრუქტურის სხვა ღონისძიებების დაფინანსება
1,542.5 ათასი ლარი





განხორციელდება შიდა გზების მიმდინარე და კაპიტალურ შეკეთება, მათ შორის გზების (ორმული) და ფრაგმენტული შეკეთება, გზების ქვიშა - ხრეშოვანი მასალის მოწყობა, ქუჩების ტროტუარების მიმდინარე კაპიტალური შეკეთება, გზებზე ასფალტ/ ბეტონის დაზიანებული მონაკვეთებზე ბზარების


დამუშავება.

 ბინათმშენებლობა
955.0 ათასი ლარი



პროგრამის ფარგლებში, განახლდება ქ. სამტრედიაში მრავალბინიანი საცხოვრებელი კორპუსების ფასადები, სადარბაზოები, სახურავები და მიმდებარე ტერიტორია.




 წყლის სისტემების რეაბილიტაცია და ექსპლიოატაცია
80.0 ათასი ლარი






მუნიციპალიტეტის იერსახის გასაუმჯობესებლად და მოსახლეობის კომფორტული გარემოს შესაქმნელად საჭიროა ადგილობრივი მუნიციპალიტეტის დაფინანსებაში მეოფი სასმელი წყლის სოკოების, შადრევნების წყლის ხარჯების დაფინანსება, ასევე, განხორციელდება სასმელი წყლის სისტემების რეაბილიტაცია, მოწყობა-მომსახურება. მუნიციპალიტეტის

ტერიტორიაზე (მაღალმთიან ზონაში) არსებული წყლის სისტემები მოითხოვს რეაბილიტაციას და ასევე უნდა მოეწყოს ახლი სისტემები. სასმელი წყლის რეზერვუარები გამოსულია მწყობრიდან, საჭიროებს აღდგენას.

 გარე განათების რეაბილიტაცია და ექსპლოატაცია
1,320.0 ათასი ლარი

განხორციელდება მუნიციპალიტეტის განათების მომსახურება და საახალწლო-საშობაო ღონისძიებებისათვის ქუჩების დეკორატიული განათებების შექმნა, ასევე არსებული განათებების რეაბილიტაცია და ახლის მოწყობა.

 სკვერების მოწყობა და კეთილმოწყობის სხვა ღონისძიებები
132.0 ათასი ლარი



განხორციელდება მუნიციპალიტეტის ტერიტორიის კეთილმოწყობის სამუშაოები, მათ შორის სკვერებისა და პარკების, დასასვენებელი ადგილების მოვლა. საჭიროების შემთხვევაში მათი რეაბილიტაცია და აგრეთვე ახალი სკვერების, პარკების და დასასვენებელი ადგილების მოწყობა.





სოფლის მეურნეობის განვითარება

154.5 ათასი ლარი

ქვეპროგრამა ითვალისწინებს მუნიციპალიტეტის საკუთრებაში არსებული

ქონების საექსპერტო მომსახურეობის ჩატარება და საპრივატიზებო საფასურის/სარგებლობის ქირის განსაზღვრას. ასევე, სასოფლო-სამეურნეო სავარგულებამდე მისასვლელი გზების რეაბილიტაციას, რომელიც უზრუნველყოფს სახნავი ფართობების აგროვადებში დამუშავებასა და მოსავლის დროულ გატანას; სახნავი ფართობების შემოღობვას, რაც უზრუნველყოფს მსხვილფეხა რქოსანი პირუტყვისაგან სავარგულების დაცვას. სასოფლო-სამეურნეო სავარგულების მიმდებარე არხების გაწმენდა რეაბილიტაციას, რაც უზრუნველყოფს სახნავი ფართობების ჭარბი ტენისაგან და დაჭაობიანობებისაგან თავიდან აცილებას.



დასუფთავება და გარემოს დაცვა

4,399.0 ათასი ლარი




კომუნალური გაერთიანება ახორციელებს სამტრედიის მუნიციპალიტეტის ტერიტორიაზე ქუჩების დაგვა-დასუფთავებას საყოფაცხოვრებო ნარჩენებისგან და მის გატანას, აგრეთვე, სანიაღვრე და საწრეტი არხების დანალექებისაგან გაწმენდა-გატანას, გარე განათების ქსელების მომსახურებას. ქვეპროგრამის მიზანია ეკოლოგიურად სუფთა, ესთეტიკურად ლამაზი ქალაქი, განათებული მუნიციპალიტეტი, ქალაქის გაწმენდილი არხები ბუნებრივი ნალექისგან.

ხოლო ა(ა)იპ სამტრედიის მუნიციპალიტეტის გამწვანებისა და კეთილმოწყობის გაერთიანება უზრუნველყოფს ქალაქის იერსახის გაუმჯობესებას არსებული სკვერების, პარკების კეთილმოწყობით, სანერგე მეურნეობის მოწყობა-ექსპლოატაციით, მწვანე ნარგავების მოვლით. განხორციელდება პარკების სანიტარული დაცვა, მუნიციპალიტეტის ტერიტორიაზე არსებული სასაფლაოების ინფრასტრუქტურის მოწესრიგება, პანთეონების და სასაფლაოების ტერიტორიის დაგვა-დასუფთავება. აგრეთვე, განხორციელდება ცხოველების დაჭერა და მათი გადაყვანა სპეციალიზირებულ თავშესაფარში, რითაც უზრუნველყოფილი იქნება მათი



რაოდენობის მინიმუმამდე დაყვანა და შესაძლო საფრთხეების თავიდან აცილება.



 განათლება
5,477.5 ათასი ლარი




მუნიციპალიტეტის ტერიტორიაზე ფუნქციონირებს 24 საბავშვო ბაღი, რომლის ფუნქციონირებას უზრუნველყოფს ააიპ სამტრედიის მუნიციპალიტეტის სკოლამდელი აღზრდის დაწესებულებათა (ბაღები და ბაგა-ბაღები)გაერთიანება. სულ სკოლამდელ დაწესებულებებში დასაქმებულია 325

თანამშრომელი, მათ შორის 65 აღზრდელი და 68 თანაშემწე, ხოლო ირიცხება 1200 აღსაზრდელი. ეფექტიანი ფუნქციონირების უზრუნველსაყოფად იგეგმება: სკოლამდელი აღზრდის სფეროში მართვის პოლიტიკის განხორციელება, სტანდარტების შესაბამისი სააღმზრდელო პროგრამა/მეთოდოლოგიის დახვეწა, საქართველოს მთავრობის დადგენილებით განსაზღვრული სტანდარტების შესაბამისი კვებით უზრუნველყოფა, აღსაზრდელთა უსაფრთხოების მიზნით ბაღების ინფრასტრუქტურის (ეზო, შენობა, ინვენტარი და სხვა) განვითარება, ბაღების პერსონალის შრომითი პირობების გაუმჯობესება და მათი კვალიფიკაციის ამაღლება და სხვა.

ასევე, განათლების პროგრამიდან განხორციელდება მუნიციპალიტეტში მცხოვრები მოსახლეობისთვის სახელმწიფო ენისა და უცხო ენების შესწავლის ხელშეწყობა, მათ შორის ეროვნული უმცირესობების წარმომადგენლების სახელმწიფო ენის სწავლის ხელშეწყობა და მათი ინტეგრაცია საზოგადოებაში, სკოლისგარეშე არაფორმალური დამატებით განათლება გახდება ხელმისაწვდომი შეზღუდული შესაძლებლობების მქონე პირებისათვის და სოციალურად დაუცველი ოჯახების შვილებისათვის.




სპორტის განვითარების ხელშეწყობა
 2,801.5 ათასი ლარი



პროგრამის ფარგლებში განხორციელდება სხვადასხვა სპორტული ორგანიზაციების და კლუბების ფინანსური მხარდაჭერა, რათა მათ ჰქონდეთ შესაძლებლობა უზრუნველყონ სპორტსმენებისათვის სავარჯიშოდ შესაბამისი პირობების შექმნა და ნიჭიერი სპორტსმენების წახალისება, რათა ნიჭიერმა ბავშვებმა და ახალგაზრდებმა შეძლონ მათი სპორტული შესაძლებლობების გამოვლინება. ამ მიზნით ფუნქციონირებს შემდეგი სპორტული არასამეწარმეო (არაკომერციული) იურიდიული პირები:

- ა(ა)იპ საცხენოსნო სპორტული კლუბი;
- ა(ა)იპკომპლექსური სპორტული სკოლა;
- ა(ა)იპ საფრენბურთო კლუბი "ჯიკო";
- ა(ა)იპ ხელბურთელთა კლუბი "სამტრედია";
- შპს სპორტული კომპლექსი "სამტრედია";
- ა(ა)იპ რაგბის კლუბი „ფენიქსი“;
- ა(ა)იპ საჭიდაო კლუბი " ფალავანი".






კულტურის განვითარების ხელშეწყობა

1,845.3 ათასი ლარი

სამტრედიის მუნიციპალიტეტის კულტურული ტრადიციების დაცვის მიზნით პროგრამის ფარგლებში გაგრძელდება სხვადასხვა კულტურული ობიექტების



ფინანსური მხარდაჭერა, ასევე განხორციელდება სხვადასხვა კულტურული ღონისძიებები, მათ შორის სადღესასწაულო დღეებში სხვადასხვა გასართობი და სანახაობრივი ღონისძიებები. ქვეპროგრამის ფარგლებში დაფინანსდება შემდეგი მუსიკალური სკოლები:

- ააიპ დომენტი შანიძის სახელობის N 1 სახელოვნებო სკოლა
- ააიპ N2 სამუსიკო სკოლა;
- ააიპ სოფელ ტოლების სამუსიკო სკოლა
- ააიპ გომის თემის სამუსიკო სკოლა
- ააიპ სოფელ დიდი ჯიხაიშის სახელოვნებო სკოლა
- ააიპ დაბა კულაშის სამუსიკო სკოლა
- ა(ა)იპ სამტრედიის მუნიციპალიტეტის სამხატვრო სკოლა-გალერეა.

სკოლების მიზანია ცოდნის მიცემა მუსიკის სფეროში, რაც ხელს შეუწყობს მოსწავლის განათლებულ-კულტურულ ადამიანად ჩამოყალიბებას, განსაკუთრებული ნიჭით დაჯილდოვებულ მოსწავლეთა გამოვლენას, მოზარდთა მხატვრული აზროვნების, გემოვნებისა და წარმოსახვის უნარის ჩამოყალიბებას, აგრეთვე, შემოქმედებითი საქმიანობისათვის აუცილებელი უნარ-ჩვევების გამომუშავებას. მოზარდთა მომზადება კონკურსებისათვის და უმაღლესი სამუსიკო სასწავლებლისათვის.

გარდა ამისა, მუნიციპალიტეტში ფუნქციონირებს(ა)იპ სამტრედიის მუნიციპალიტეტის ეროსი მანჯგალაძის სახელობის კულტურის ცენტრი, რომელიც უზრუნველყოფს სამტრედიის მუნიციპალიტეტის მოსახლეობის სხვადასხვა სოციალური ჯგუფების კულტურულ-შემეცნებითი, საგანმანათლებლო მოღვაწეობას, დასვენებასა და გართობას, ახალი თაობის აღზრდას




სახელოვნებო სფეროში; თეატრალური, ქორეოგრაფიული და მუსიკალური საქმიანობის ხელშეწყობას; სოფლებში კულტურულ-საგანმანათლებლო საქმიანობის განვითარებას;



ა(ა)იპ სამტრედიის მუნიციპალიტეტის საბიბლიოთეკო გაერთიანება კი აერთიანებს 10 ბიბლიოთეკას. იგი ორიენტირებულია ხელი შეუწყოს ბიბლიოთეკებსა და საზოგადოებას შორის თანამშრომლობის ახალი


ფორმების ჩამოყალიბებას, მოსწავლე-ახალგაზრდობის შემოქმედებითი ნიჭის განვითარებას და აღზარდოს წიგნიერი თაობა. საბიბლიოთეკო გაერთიანება მუშაობს საბიბლიოთეკო ფონდის ელექტრონული კატალოგიზაციის მიმართულებით. მიზანია მოსახლეობის მომსახურეობა საბიბლიოთეკო ფორმებით და მეთოდებით, ახალი წიგნების, ჟურნალ-გაზეთების მიწოდება, ლიტერატურული სადამოებო, შეხვედრები გამოჩენილ ადამიანებთან და სხვა.


შპს ” სამტრედიის მაცნე ”
 117.8 ათასი ლარი



იგი ერთადერთი გაზეთია, რომელიც მაქსიმალურად აშუქებს ადგილობრივი მოსახლეობის ყოფა-ცხოვრებას, მუნიციპალიტეტისა და საკრებულოს


საქმიანობას. შპს ” სამტრედიის მაცნე ” მიზანია სტაბილურად გამოცემის უზრუნველყოფა და მოსახლეობაზე მიწოდება, ამავე დროს უზრუნველყოფს პოლიტიკური, საზოგადოებრივი, კულტურული და შემოქმედებითი საკითხების გაშუქებას. გაზეთი „სამტრედიის მაცნე“ ორიენტირებულია გამოხატოს საზოგადოებრივი ინტერესი, გააშუქოს საზოგადოების საჭირობოროტო საკითხები, იყოს ობიექტური და მკითხველამდე სწორად მიიტანოს არსებული მდგომარეობა.


ა(ა)იპ სამტრედიის მუნიციპალიტეტის
"საინფორმაციო ცენტრი"
 68.4 ათასი ლარი

საინფორმაციო ცენტრის მიზანს წარმოადგენს მჭიდრო ურთიერთობა ადგილობრივ ხელისუფლებასა და საზოგადოებას შორის, რისთვისაც შექმნილია საინფორმაციო ყუთი და ცხელი ხაზი. მის მიერ შექმნილ ოფიციალურ ვებ. გვერდზე (www.samtredia.com.ge) განთავსებულია ინფორმაცია მუნიციპალიტეტის ოფიციალური პირების შესახებ, ასევე,




კულტურული და საზოგადოებრივი საკითხები, პერმანენტულად შუქდება მუნიციპალიტეტში მიმდინარე ახალი ამბები. მისი მიზანია ურთიერთობა ახალგაზრდებთან და არაფორმალური განათლების კუთხით მუშაობა. საინფორმაციო ცენტრი ახორციელებს სოციალურ პროექტებს.

 ახალგაზრდული ორგანიზაციების კულტურის, ძეგლთა დაცვისა და ტურიზმის ღონისძიებების დაფინანსება
249.0 ათასი ლარი



პროგრამის ფარგლებში დაფინანსდება სხვადასხვა ღონისძიებები, რომლებიც ხელს შეუწყობს ახალგაზრდა თაობის მეტ ჩართულობას მუნიციპალიტეტის ყოველდღიურ საქმიანობასა და მის განვითარებაში.

 ხონი-სამტრედიის ეპარქიის დაფინანსება
260.0 ათასი ლარი



ქვეპროგრამის ფარგლებში განხორციელდება ხონი-სამტრედიის ეპარქიის სუბსიდირება, დაფინანსდება მთავარი საკათედრო ტაძარი.



აიპ საზოგადოებრივი ჯანდაცვის სამტრედიის ცენტრი



განხორციელდება: ეპიდზედამხედველობა, იმუნიზაცია (სპეციფიური შრატებით და ვაქცინებით მძიმე სტრატეგიული მარაგების გამოყენება), ცხოვრების ჯანსაღი წესის განვითარების ხელშეწყობა, მუნიციპალიტეტის ტერიტორიაზე განთავსებულ საზოგადოებრივი მნიშვნელობის

დაწესებულებებში სანიტარიული ნორმების დაცვის ზედამხედველობა;



სოციალური დახმარების პროგრამა

- ა(ა)იპ „სახლი თანადგომა“
 - ✓ სოციალურად დაუცველ მოსახლეობას, რომლებსაც არ გააჩნიათ ფიზიკური შესაძლებლობა, არიან მარტოხელები, დავრდომილები, ინვალიდები, უსახლკარონი, ის პირები, რომლებიც მიეკუთვნებიან უმწეოთა კატეგორიას და არ გააჩნიათ ეკონომიკური შესაძლებლობა იმისთვის, რომ მთელი თვის განმავლობაში იკვებონ თავისი შემოსავლით, მათთვის ყოველდღიურად (გარდა კვირისა) სადილით უზრუნველყოფა (დღეში ერთხელ) უმწეოთა სასადილოში. ამ კატეგორიის მოქალაქეებზე გაიცემა 2-3 ცალი პური კვირაში ერთხელ. პური გაიცემა სულადობის მიხედვით.
 - ✓ ამ პროგრამის მოქმედებით სამტრედიის მუნიციპალიტეტში მცხვრებ უმწეოთა დიდი ნაწილი უზრუნველყოფილი იქნება საარსებო საშუალებით. აგრეთვე, პროგრამაში ჩართულნი არიან სოციალური მუშაკები, რომლებიც ბინაზე მოემსახურებათ დავრდომილებსა და ღრმად მოხუცებულებს.



- ა(ა)იპ სამტრედიის მუნიციპალიტეტის "სათნოების სახლი" ზამთრის სეზონის დადგომასთან დაკავშირებით მარტოხელა პენსიონერების დახმარება;

- ✓ ქვეპროგრამის მიზანია მარტოხელა მიუსაფარ მოხუცებს ადგილებზე გაეწიოთ მზრუნველობა, კერძოდ, სხვადასხვა სახის აუცილებელი დახმარება, საყოფაცხოვებო-სოციალური პირობებით უზრუნველყოფა, დღე-ღამის განმავლობაში ოთხჯერადი კვება, შემოსვა, სამკურნალო-პროფილაქტიკური ღონისძიებების ჩატარება, მედპერსონალისა და სანიტართა სადღეღამისო მორიგეობა, მათი ინტერესების დაცვა და წარმოჩენა სახელმწიფო და საზოგადოებრივ ორგანიზაციებში, მათი ჩაბმა საზოგადოებრივად აქტიურ საქმიანობაში. სათნოების სახლში ხშირად იმართება საქველმოქმედო ღონისძიებები. წოველ წელს მატულობს მნახველთა რაოდენობა, რომლებიც დაინტერესებულნი არიან მოზინადრეთა ცხოვრებით და მათი ჯანმრთელობით.

- დედათა და ბავშვთა დახმარების პროგრამა, რომელიც ითვალისწინებს



ახალშობილთა და მრავალშვილიანი ოჯახებისათვის (4 ან მეტი შვილი 18 წლამდე) ფინანსურ დახმარებას.

- სოციალურად დაუცველი მოსახლეობისათვის ერთჯერადი ფინანსური დახმარება, რომელიც მოიცავს შემდეგ პროგრამებს: მოქალაქეთა სამედიცინო მომსახურება; მოქალაქეთა

სამედიცინო გამოკვლევის დაფინანსება; მარტოხელა მშობლების დახმარება; სტუდენტების დახმარება; უდედმამო ბავშვების დახმარება; ასი და მეტი წლის ასაკის უხუცეს დღეგრძელთა დახმარება; საქართველოს თავისუფლებისა და ტერიტორიული მთლიანობისათვის მებრძოლთა (ვეტერანთა) სოციალური დახმარება; მიცვალებულთა სარიტუალო მომსახურება; ჩერნობილის ატომური ელექტროსადგურის აფეთქებისას სალიკვიდაციო სამუშაოების მონაწილეთა ფინანსური დახმარება; დიალიზის სახელმწიფო პროგრამას დაქვემდებარებული ბენეფიციარების დახმარება; ლეიკემიით, ცერებლალური დამბლით, დაუნის სინდრომით, დიაბეტით და აუტიზმით დაავადებულ ბავშვთა ფინანსური დახმარება; 2008 წლის აგვისტოს ომში გარდაცვლილ მეომართა ოჯახების ფინანსური დახმარება; შეზღუდული შესაძლებლობების მქონე პირების დახმარება; ერთჯერადი დახმარება განსაკუთრებულ შემთხვევაში; სოციალურად დაუცველი პოლიტიკური რეპრესიების მსხვერპლთა ფინანსური დახმარება; 18 წლამდე ასაკის შეზღუდული შესაძლებლობის მქონე ბენეფიციარებზე მომუშავე ორგანიზაციის ხელშეწყობა; სამკერვალო საწარმო „გვირილა“-ში დასაქმებულ შშმ ქალების დახმარება ტრანსპორტირების კუთხით;



სხვადასხვა სოციალურ-კულტურული ღონისძიებების ხარჯები; სოციალურად დაუცველი მოსახლეობის, ხანდაზმულების, მრავალშვილიანების, შშმ ღონისძიებების ტრანსპორტირების ხარჯები; სოციალურად დაუცველი მოქალაქეების ბინის ქირის გადასახადი; აუტისტური სპექტრის მქონე ბავშვების რეაბილიტაცია; მოწყვლადი ოჯახების ფინანსური დახმარება; ახალდაქორწინებული ოჯახების წახალისება; ბავშვის უფლებების დაცვისა და მხარდაჭერის პროგრამა, მუნიციპალიტეტში რეგისტრირებული მკვეთრად და მნიშვნელოვნად შეზღუდული შესაძლებლობის უსინათლო პირთათვის სპეციალური ტექნიკის შეძენა, უდემამო ბავშვებისთვის, სოციალურად დაუცველი (შშმ პირებისთვის, ომის ვეტერანებისთვის, მრავალშვილიანებისთვის, მარტოხელა მშობლებისთვის) და სხვა შეჭირვებული ოჯახებისთვის საადგომოდ და საახალწლოდ ერთჯერადი დახმარება, მძიმე ჯანმრთელობის მდგომარეობის მქონე მცირეწლოვან ბავშვთა და მოქალაქეთა მკურნალობის დაფინანსება და სხვა.

- დაკრძალვის ხარჯი, რომელიც ითვალისწინებს ადგილობრივი ბიუჯეტიდან ა) უპატრონო მიცვალებულთა სარიტუალო მომსახურება; ბ) მუნიციპალიტეტში რეგისტრირებული იძულებით გადაადგილებულ პირთა გარდაცვალების სარიტუალო მომსახურება; გ) მრავალშვილიანი სოციალურად დაუცველი უკიდურესად შეჭირვებული ოჯახიდან გარდაცვლილის სარიტუალო მომსახურება.
- სამტრედიის მუნიციპალიტეტში რეგისტრირებული სახლდაზიანებული მოქალაქეების დახმარება, რომელიც ითვალისწინებს მოწყვლადი ოჯახებისათვის მცირეფართიანი ინდივიდუალური სახლების მშენებლობას ე.წ. „მცირეფართიანი საცხოვრებელი სახლის მშენებლობის პროექტის“ ფარგლებში ინდივიდუალური საცხოვრებელი სახლით.



სად უმძიმია გავარკვიო მეტი?

ამ სახელმძღვანელოში მოცემულია ბიუჯეტში აღწერილი ხარჯებისა და დაბეგვის შესახებ მოკლე მიმოხილვა. თუ გასურთ გაიგოთ უფრო მეტი და დაწვრილებით, მაშინ ეწვიეთ ვებ – გვერდს <https://samtredia.gov.ge/ka/>





სამხრეთში „სამხრეთის“ დინასტია უზარაქნულს სამხრეთის მუნიციპალიტეტის მერი დავით ბახტაძე ...

სამხრეთში აღსადგინად სანორმირაციო ბადაცში ცანტრი მინიბა სამხრეთში ოფიციალურდ გაქსნა საჭოქადუფრედი ...

სამხრეთის მუნიციპალიტეტის სარბაბულს ტაშვდუბარბი ვაქა სბოქა აბრბი სამხრეთის მუნიციპალიტეტის სარბებულა მუშაობას

ანბორ მამბინის საბოლბინა მამ სარბოქორბორ სანამრბოქო მბორბალო სამხრეთში დარბულდა აბბორ მარბტის სანსებლობის ...

პაციენტი
შილქ მონანლქსა დოქონორბულობის განბორბლქსა...

მამოქობა
დადუქმარე მუნი აბრ მამბინარე მობლქსა...

შენი ტქბა მბრ
ჩარბო რეკონს ცოქობრბა, მამარბ დოქი მქტს

სქქაქობრი
ჩარბოლბის სარბისის მრბა დქლობორბ დოქონორბულობა...

